



MINISTARSTVO SIGURNOSTI
BOSNE I HERCEGOVINE



Save the Children

**MEMORANDUM O SARADNJI
I PODRŠCI SISTEMU ZAŠTITE I SPAŠAVANJA U
BOSNI I HERCEGOVINI**

Sarajevo, maj 2012. godine

**MEMORANDUM O SARADNJI
I PODRŠCI SISTEMU ZAŠTITE I SPAŠAVANJA U
BOSNI I HERCEGOVINI**

između

Ministarstva sigurnosti Bosne i Hercegovine, sa sjedištem u Zgradi prijateljstva između Grčke i Bosne i Hercegovine, Trg BiH broj 1, u Sarajevu,

i

Save the Children, međunarodne nevladine organizacije sa sjedištem u Ulici Ljubljanska broj 16, u Sarajevu,

U daljem tekstu: Ugovorne strane.

OPĆE NAPOMENE

Polazeći od činjenice da su Vijeće ministara Bosne i Hercegovine i nevladin sektor 7. maja 2007. godine potpisali Sporazum o saradnji između Vijeća ministara Bosne i Hercegovine i nevladinog sektora u Bosni i Hercegovini;

Imajući u vidu da spomenuti Sporazum potvrđuje opredjeljenost Vijeća ministara Bosne i Hercegovine i nevladinog sektora u Bosni i Hercegovini da ojačaju svoje obaveze i odgovornosti u ispunjavanju preuzetih uloga i razvoju i kreiranju javnih politika;

Uzimajući u obzir da Sporazum predstavlja polaznu tačku za razvoj partnerstva, a počiva na zajedničkim vrijednostima i uzajamnom poštovanju, te da je nastao kao izraz potrebe da se izgrade institucionalni okviri međunarodne saradnje;

Pozivajući se na ciljeve sadržane u Strateškom planu Ministarstva sigurnosti Bosne i Hercegovine za period 2009 – 2011. u kojima se predviđa uspostava formalne saradnje sa nevladinim sektorom u Bosni i Hercegovini;

Sagledavajući značaj podrške koju međunarodne nevladine organizacije mogu pružiti institucijama vlasti Bosne i Hercegovine u izvršavanju njihovih sistemskih poslova;

Ministarstvo sigurnosti Bosne i Hercegovine i Save the Children definiraju slijedeće:

Potpisivanjem ovog Memoranduma o saradnji, uspostavlja se institucionalna saradnja između ugovornih strana. U skladu sa nadležnostima, statutima i politikom ugovornih strana predmet ove saradnje biće realiziranje podrške sistemu zaštite i spašavanja u

Bosni i Hercegovini sa ciljem unapređenja prevencije i veće spremnosti nadležnih institucija u Bosni i Hercegovini za djelovanje u slučaju prirodnih ili drugih nesreća, a time i efikasnijoj zaštiti ljudi i materijalnih dobara, sa posebnom pažnjom na adekvatnu zaštitu djece.

Ministarstvo sigurnosti Bosne i Hercegovine i Save the Children izražavaju spremnost da kroz buduće zajedničke aktivnosti značajnije unaprijede oblast saradnje kroz realizaciju projekata i aktivnosti u određenim oblastima djelovanja Ministarstva sigurnosti BiH, a koje su predmet rada Save the Children.

U skladu sa planiranim aktivnostima Save the Children i saradnjom koja je ostvarena sa Ministarstvom sigurnosti BiH u proteklom periodu, predmet Memoranduma o saradnji će biti saradnja u oblastima iz nadležnosti Ministarstva sigurnosti BiH koje su *inter alia* vezane za izgradnju kognitivnih sposobnosti školske djece za uočavanje opasnosti i podučavanju samozaštiti od prirodnih ili drugih nesreća, kao i mjera zaštite djece od prirodnih ili drugih nesreća, kroz različite aktivnosti u oblasti zaštite i spašavanja, odnosno:

- izradu procjene ugroženosti od prirodnih ili drugih nesreća Bosne i Hercegovine;
- izradu plana zaštite i spašavanja Bosne i Hercegovine i srednjoročnog programa razvoja sistema zaštite i spašavanja;
- aktivnosti prevencije rizika prirodnih ili drugih nesreća;
- zagovaranje za uvođenje redukcije rizika nesreća u legislativu i školske planove i programe u koordinaciji za resornim ministarstvima i organima uprave za obrazovanje;
- kao i eventualno druge oblasti koje mogu biti predmet zajedničkog interesa.

Memorandum o saradnji je potvrda opredijeljenosti Ministarstva sigurnosti Bosne i Hercegovine i Save the Children da kroz ispunjenje obaveza iz prioriteta redukcije rizika nesreća utvrđenih u Globalnom okvirnom akcijskom planu iz Hyoga, Japan, Regionalnoj platformi UN za redukciju rizika nesreća za Evropu iz 2010. godine, te integracijske procese usmjerene ka pristupanju i punopravnom članstvu Bosne i Hercegovine u Evropskoj uniji, kao i kroz druge regionalne i bilateralne inicijative, reprezentativno i kvalitetno unapređuju sistem zaštite i spašavanja u Bosni i Hercegovini.

MODALITETI SARADNJE

1. Predmet saradnje po ovom Memorandumu o saradnji podrazumijeva slijedeće modalitete podrške i saradnje:
 - a) Uzajamna saradnja kroz organizaciju i učešće u obukama, seminarima, radionicama, vježbama i drugim specijalističkim modulima obučavanja i drugim

značajnim događajima u Bosni i Hercegovini i u inozemstvu koji se tiču zaštite djece u prirodnim ili drugim nesrećama;

- b) Ekspertna pomoć i uzajamna saradnja u izgradnji i unapređenju sistema zaštite i spašavanja u domenu prevencije i pripravnosti, što uključuje i poboljšanje legislative u oblasti osnovnog i srednješkolskog obrazovanja sa ciljem uvođenja u školske aktivnosti adekvatno planiranje i realiziranje programa i projekata prevencije rizika i zaštite djece u slučaju prirodnih ili drugih nesreća (kroz izradu printanih i elektronskih materijala o zaštiti od različitih opasnosti – požara, poplava, i sl);
 - c) Uzajamna saradnja u pripremi i realiziranju programa i planova edukacije i obuke djece različitog uzrasta, uključujući i djecu sa posebnim potrebama, ali i odraslih, sa ciljem podizanja nivoa svijesti i znanja o rizicima i postupanja u slučaju prirodnih ili drugih nesreća.
- 2. U predmet Memoranduma o saradnji mogu biti uključeni i drugi oblici saradnje u oblasti zaštite i spašavanja iz nadležnosti Ministarstva sigurnosti Bosne i Hercegovine koje dogovore ugovorne strane u skladu sa Okvirnim zakonom o zaštiti i spašavanju.
 - 3. U predmet Memoranduma o saradnji, također, mogu biti uključeni i drugi oblici saradnje koji uključuju Ministarstvo civilnih poslova Bosne i Hercegovine i resorna ministarstva obrazovanja entiteta i Brčko Distrikta BiH, u skladu sa Zakonom o ministarstvima i drugim organima uprave Bosne i Hercegovine, kao i drugim posebnim i pojedinačnim zakonima koji uređuju obrazovanje u Bosni i Hercegovini.
 - 4. Aktivnosti predviđene ovim Memorandumom o saradnji će biti implementirane kroz saradnju ugovornih strana u dostizanju zajedničkih ciljeva definiranih ovim Memorandumom o saradnji.
 - 5. Trajanje Memoranduma o saradnji nije vremenski ograničeno, što se evaluira godišnje procjenom rezultata projekata i aktivnosti koji su predmet ovog Memoranduma o saradnji, a koju će izvršiti ugovorne strane.
 - 6. U realizaciju ugovornih oblasti saradnje u domenu dogovorenih zajedničkih aktivnosti od značaja za zaštitu i spašavanje na nivou entiteta i Brčko Distrikta BiH uključuju se i nadležni organi uprave za civilnu zaštitu entiteta i Brčko Distrikta BiH.

NADZOR NAD PROVEDBOM MEMORANDUMA

- 7. Sa ciljem osiguranja implementacije projektnih aktivnosti u Bosni i Hercegovini, ugovorne strane formiraju zajednički tim koji vrši redovan nadzor i evaluaciju rezultata saradnje.
- 8. Ugovorne strane će održavati sastanke najmanje četiri puta godišnje, a po ukazanoj potrebi i češće.

RELEVANTNI ZAHTJEVI UGOVORNIH STRANA

9. Ministarstvo sigurnosti Bosne i Hercegovine saglasno je i spremno da, shodno zakonima utvrđenim nadležnostima i planiranim sredstvima za realizaciju projekata, dogovara i ugovara sa Save the Children zajedničke aktivnosti iz Memoranduma o saradnji u svrhu efektivne i efikasne realizacije sistemskih zadataka u izgradnji i razvoju kapaciteta Bosne i Hercegovine za sigurnost i zaštitu građana, i naročito djece školskog uzrasta.
10. Save the Children iskazuje spremnost da u skladu sa svojim mogućnostima i kapacitetima intenzivno radi na implementiranju ciljeva Memoranduma o saradnji, te izražava nadu da će, kada za to postoji potreba, dobiti podršku Ministarstva sigurnosti Bosne i Hercegovine prilikom iniciranja projekata koji će biti usmjereni na izgradnju sigurnog okruženja u Bosni i Hercegovini i ispunjavanju strateških ciljeva Ministarstva sigurnosti Bosne i Hercegovine.
11. Vidovi i oblici podrške, te planirani obim saradnje definiće se aneksima Memoranduma o saradnji na osnovu inicijative jedne od ugovornih strana.

ZAVRŠNE ODREDBE

12. Memorandum o saradnji može biti prekinut na zahtjev jedne od ugovornih strana, na osnovu najave najmanje mjesec dana prije otkazivanja, uz detaljno obrazloženje razloga takve odluke.
13. Ovaj Memorandum o saradnji potpisan je u 4 (četiri) primjerka, 2 (dva) istovjetna primjerka na engleskom jeziku i 2 (dva) istovjetna primjerka na jednom od službenih jezika i pisama u Bosni i Hercegovini, od kojih svaka ugovorna strana zadržava po jedan primjerak svake verzije. Svaka kopija Memoranduma o saradnji ima jednaku pravnu snagu.
14. Memorandum stupa na snagu danom potpisivanja.

Potpisano u Sarajevu, dana: 14.05.2012. godine



Za Ministarstvo sigurnosti
Bosne i Hercegovine

mr. Sadik Ahmetović
ministar sigurnosti

Save the Children

Andrea Žeravčić
direktorica organizacije